

難

經

沈微垣刪著
卷壹
式



沈微垣先生刪著

王叔和圖註
脈訣規正

爰日堂梓



圖註八十一難經原序

醫乃九流之一醫書至難經醫者至秦越人並皆建
妙者也秦越人有所養者也其著難經有所本者也
秦越人世不常有而難經世所其傳八十一難既設
則榮衛度數尺寸部位陰陽王相藏府虛實脈法病
症槩夫經絡流注鍼刺郁穴歷歷如覩於以發內經
之未發備內經之未備大有功於醫道者也厥後吳
之呂廣宋之丁德用紀天錫金之張元素元之滑伯
仁之偉俱爲之解矛盾抵牾未有歸一之論其問明

處固有晦處不無得雖云多失亦不少依稀彷彿真
妄錯雜業醫者往往難之迨夫

國朝四明張君世賢子天成者稟賦高用意密醫有
世傳學無涯涘而自得於心領神會者實深患夫難
經之解未悉而圖未全也於是折衷羣言侑以已意
併節爲之註每難爲之圖精微曲折如指諸掌然後
八十一難答以發明而入十一圖始見詳備纂集成
書計若干卷藏於篋笥以備自覽一日扁舟過揚訪
余適余者母病危請以診視用藥如神得効最速僉



謂今之秦越人也。余知其亦有所養，必有所述，詢之再四，因出圖註難經一帙，以示予。余亟讀亟美，方將手錄，偶兩淮都運呂公邦佑訪迎天成，療治壺相宿病，有驗珍重其人，話及所述，呂亟求閱，遂爲鈇梓以傳。而徵文以弁諸首，予惟儒道與醫道相爲流通者也。通乎儒不通乎醫者，容有已；未有通乎醫而不本乎儒者也。徒通乎醫者，庸人也；兼通乎儒者，明醫也。世之以醫爲業者，皆資難經昔難今易，昔晦今明，一披閱天成之所圖註，則思過半矣。然則儒醫兼通者

歟圖註難經其醫家之指南歟誠能由圖註而知難
經由難經而知內經其精醫世之功不爲小補淵天
成之妙齡勤學將來之造誼若之功業其可量乎余
於天成舊有一日之長是用不辭而爲之叙小寓期
重之意云

正德庚午仲春之吉維揚徐昂識

再四因出圖指機微一妙以示予余亦深喜其法
暗今之秦越人出余賦其亦神與否未可知也

難經彙攷

史記越人傳載趙簡子號太子齊桓侯三疾之治
無著難經之說隋書經籍志唐書藝文志俱有秦越
人黃帝八十一難二卷之目又唐諸王侍讀張守節
作史記正義於扁鵲倉公傳則全引難經文以釋其
義傳後全載四十二難與第一難三十七難全文由
此則知古傳以爲秦越人所作者不誣也詳其設則
之辭稱經言者出於素問靈樞二經之文在靈樞者
尤多亦有二經無所見者豈越人別有據於古經或
自設爲問答也耶

邵菴虞先生嘗曰史記不載越人著難經而隋唐書
經籍藝文志定著越人難經之自作史記正義者直
載難經數章愚意以爲古人因經設難或與門人第
子答問偶得此八十一章耳未必經之當難者止此
八十一條難由經發不特立言且古人不求托名於
書故傳之者唯專門名家而已其後流傳寔廣官府
得以錄而著其目註家得以引而成文耳

圭齋歐陽公曰切脈於手之寸口其法自秦越人始
蓋爲醫者之祖也難經先秦古文漢以來答客難等
作者出其後又文字相質難之祖也

穆玄操序謂黃帝有內經二帙其義幽順殆難究覽
越人乃採摛二部經內精要凡八十一章伸演其道
名八十一難經以其理趣深遠非卒易了故也
紀天錫云秦越人將黃帝素問疑難之義八十一篇
重而明之故曰八十一難經

朱治平間京兆黎秦辰序虞庶難經注云世傳黃帝
八十一難經謂之難者得非以人之五臟六腑隱於
內爲邪所干不可測知唯以脈理究其彷彿耶若脈
有重十二菽者又有如按車蓋而若循雞羽者復攷
內外之症以參校之其不難乎

丁德用補註題云難經歷代傳之一人至魏華佗乃
燼其文於獄下於晉宋之間雖有仲景叔和之書然
各示其文而濫觴其說及吳太醫冷呂廣重編此經
而尚文義差迭按此則難經爲燼餘之文其編次復
經呂廣之手固不能無缺失也

謝氏請難經王宗正註義圖解大槩以診脈之法心
肺俱浮肝腎俱沉脾在中州爲正而已至於他註家
所引寸關尺而分兩手部位及五臟六腑之脈並時
分見於尺寸皆以爲王氏脈經之非殊不知脈之所
以分兩手者出於素問脈要精微論其文甚廟越人

復推明之於十難中言一脈變爲十以五臟六腑相配而言非始於叔和也且三部之說有二一則四難所謂心肺俱浮肝腎俱沉脾者中州與第五難按法輕重同而三部之中又各有分上中下云一則脈要精微論之五臟部位卽二難之分寸關尺十難之一脈變爲十者也若止以心肺俱浮肝腎俱沉脾爲中州一法言之則亦不必分寸關尺而十難所謂一脈十變者何從而推之

斲水龐安常有難經解散萬言惜乎無傳

諸家經解馮氏丁氏傷於鑿虞氏傷於巧李氏周氏



傷於任王昌晦而舛楊氏紀氏大醇而小疵唯近世
謝氏說殊有理致源委及袁氏者古益人著難經本
旨佳處甚多因其襲處未免踵前人之非且失之冗
爾

潔古氏藥注疑其草稿始立章指義例未及成書也
今所見者徃徃言論於經不相涉且無文理潔古平
素著述極醇正此絕不相似不知何自遂乃板行反
爲先生之累豈好事者爲之而托先生之名耶要知
後來東垣海藏羅謙甫輩皆不及見若見必當與足
成其說不然亦回護之不使輕易流傳也

晦菴先生跋郭長陽醫書云予嘗謂古人之於脈其
察之固非一道矣然今世通行惟寸關尺之法爲最
要且其說具於難經之首篇則亦非不理俗說也故
郭公此書備載其語而并取下德用密排三指之法
以釋之夫難經則至矣至於下德用之法則予竊意
診者之指有肥瘠病者之臂有長短以是相求或未
得爲定論也蓋嘗攷經之所以分尺寸者皆自關而
前卻以鉅手魚際尺澤是則所謂關者必有一定之
處亦若魚際尺澤之可以外見而先識也然今諸書
皆無的然之論惟千金方內以爲寸口之處其骨自

高而關尺由是面卻取焉則其言之先後位之進退
若與經文相合獨俗間所傳脈訣五七言韻語者詞
最鄙淺非叔和本書明甚乃能直指高骨爲關而分
其前後以爲尺寸陰陽之位似得難經本旨然世之
高醫以其膺也遂委棄而蓋言之予非精於道者不
能有以正也姑附於此以俟明者而折中焉

廬陵謝堅白曰泰定四年丁卯愚教授龍興建言憲
司請刻叔和脈經本書十卷時儒學提舉東陽柳公
道傳序其端曰朱文公云俗傳脈訣辭最鄙淺而取
其直指高骨爲關之說爲合於難經雖文公亦似未

知其正出脈經正謂此跋也然文公雖未見脈經而
其言與脈經脗合脈訣雖非叔和書其人亦必知
脈經者但不當自立七表八裏九道之目遂與脈經
所載二十四種之名義大有牴牾故使後人疑焉
東坡先生楞伽經跋云加醫之有難經句句皆理字
字皆法後世達者神而明之如槃走珠如珠走盤無
不可者若出新意而棄舊學以爲無用非愚無知則
狂而已譬如俚俗醫師不出經論直授藥方以之療
病非不或中至於遇病輒應懸斷生死則與知經學
古者不可同日語也世人徒見其有一至之功或捷

於古人因謂難經而可豈不誤哉

滑伯仁曰難經八十一篇辭若甚簡然而榮衛度數尺寸位置陰陽主相臟腑內外脈法病症與夫經絡流注針刺俞穴莫不該盡昔人有以十三類統之者於乎此經之義大無不包細無不舉十三類果足以盡之與八十一篇果不出於十三類與學者求之篇章之間則其義自見矣

此書固有類例但當如大學十分章以見記者之意則可不當以已之立類統經之篇章也今觀一難至二十一難皆言脈二十二難至二十九難論經絡

流注始終長短度數奇經之行及病之吉凶也其間
有云脈者非謂尺寸之脈乃經隧之脈也三十難至
四十三難言榮衛三焦臟腑腸胃之詳四十四難
言七衝門乃人身資生之用八會爲熱病在內之氣
穴也四十六七難言老幼寤寐以明氣血之盛衰言
人面耐寒以見陰陽之走會四十八難至六十二難
言脈候病能臟腑積聚泄利傷寒雜症之別而總之
以望聞問切醫之能事畢矣六十二難至八十一難
言臟腑榮膺用針補瀉之法又全體之學所不能無
者此記者以類相從始終之意備矣